

**SPORAZUM O SARADNJI
NA UNAPREĐENJU PRAVA I POLOŽAJA OSOBA SA
INVALIDITETOM U KANTONU SARAJEVO**

Sarajevo, novembar 2018.godine

1. Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), ul. Reisa Džemaludina Čauševića broj 1., koje zastupa ministrica Amela Dautbegović
2. Udruženje slijepih Kantona Sarajevo, ul. Podgaj broj 7, koje zastupa direktor Fikret Zuko
3. Udruženje za podršku osoba sa intelektualnim teškoćama na području Kantona Sarajevo „Oaza“, ul. Teheranski trg do broja 6, koje zastupa direktor Armin Smajlović
4. Udruženje distrofičara Kantona Sarajevo, ul. Isa bega Ishakovića broj 9, koje zastupa direktor Almir Šahmanija
5. Udruženje oboljelih od poliomyelitisa, povrede mozga i kičmene moždine, ul. Logavina broj 32, koje zastupa predsjednik Dževad Kamber
6. Udruženje oboljelih od multiple skleroze Kantona Sarajevo, ul. Bajrama Zenunija broj 6, koje zastupa predsjednik Gordan Muzurović
7. Udruženje paraplegičara i oboljelih od dječije paralize Kantona Sarajevo, ul. Grbavička broj 6, koje zastupa predsjednik Sabahudin Hreljić
8. Udruženje invalida rada Kantona Sarajevo, ul. Salke Lagumđije broj 13, koje zastupa predsjednik Zilko Buljugija
9. Udruženje gluhih Kantona Sarajevo, ul. Ferhadija broj 19/III, koje zastupa sekretar Jadranka Sidro
10. Udruženje oboljelih od cerebralne dječije paralize Kantona Sarajevo, ul. Marka Marulića broj 13/J, koje zastupa predsjednik Nevenko Novotni

Zaključili su dana 16.11. 2018. godine u Sarajevu

**SPORAZUM O SARADNJI
NA UNAPREĐENJU PRAVA I POLOŽAJA OSOBA SA INVALIDITETOM U
KANTONU SARAJEVO**

I – OPŠTA ODREDBA

Član 1.

Ovim sporazumom se uređuju principi i način saradnje, obaveze i odgovornosti potpisnika Sporazuma na stvaranju ambijenta i formalnog okvira za unapređenje prava i položaja osoba sa invaliditetom u Kantonu Sarajevo, te rješavanju statusnih pitanja udruženja

osoba sa invaliditetom, učlanjenih u Koordinacioni odbor udruženja osoba sa invaliditetom u Kantonu Sarajevo (u daljem tekstu: Koordinacioni odbor), saglasno odredbama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 14/09 i 45/16), Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Precišćeni tekst, 38/16, 44/17 i 28/18), UN Konvencije o pravima osoba sa invaliditetom, Preporukama UN Komiteta za prava osoba sa invaliditetom, Politikom u oblasti invalidnosti u BiH ("Službeni glasnik BiH" broj 76/08), Strategijom za unapređenje prava i položaja osoba sa invaliditetom u Federaciji BiH 2016.-2021., Akcionim planom za unapređenje prava i položaja osoba s invaliditetom u Kantonu Sarajevo (2018.-2021.) i drugim obavezujućim međunarodnim i domaćim zakonskim i podzakonskim propisima, strategijama i akcionim planovima, kojima se uređuju ili unapređuju prava osoba sa invaliditetom.

II – CILJ SPORAZUMA

Član 2.

Ovaj Sporazum se zaključuje u cilju definisanja jasnih obaveza potpisnika Sporazuma na unapređenju prava i položaja osoba sa invaliditetom u Kantonu Sarajevo i obezbjeđivanju adekvatnih uvjeta za rad i djelovanje njihovih udruženja, daljem razvijanju partnerskih odnosa između Ministarstva i udruženja osoba sa invaliditetom, eliminisanju svih oblika diskriminacije u društvu, uključujući i diskriminaciju po osnovu invaliditeta, te stvaranju jednakih mogućnosti za osobe sa invaliditetom, u skladu sa ratificiranim međunarodnim dokumentima, zakonima i ostalim propisima iz oblasti koje se odnose na regulisanje i unapređenje prava i položaja osoba sa invaliditetom i njihovih udruženja.

III – MEĐUSOBNA SARADNJA

Član 3.

Potpisnici se obavezuju da će svako iz svoje nadležnosti u cijelosti osigurati primjenu ovog sporazuma, te osigurati potpunu saradnju na strateškom planiranju, implementaciji donesenih strateških dokumenata i akcionalih planova koji su doneseni sa ciljem unapređenja prava i položaja osoba sa invaliditetom, kao i stvarati uslove za poboljšanje položaja udruženja osoba sa invaliditetom, učlanjenih u Koordinacioni odbor, stvaranjem uslova za dosljednu implementaciju domaćih i međunarodnih obavezujućih dokumenata, a kojima se uređuju ili unapređuju prava osoba sa invaliditetom.

IV – OBAVEZE POTPISNIKA SPORAZUMA

Član 4.

Ministarstvo za rad, socijalnu politiku, raseljena lica i izbjeglice Kantona Sarajevo

Ministarstvo će:

- kontinuirano raditi na unapređenju partnerskih odnosa sa udruženjima osoba sa invaliditetom;
- u pripremi zakona i drugih propisa, iz svoje nadležnosti, a koji se odnose na osobe sa invaliditetom, konsultovati će i predstavnike udruženja osoba sa invaliditetom, odnosno predstavnike Koordinacionog odbora;
- predstavnici Ministarstva će učestvovati u ključnim aktivnostima i manifestacijama, koje organizuju udruženja osoba sa invaliditetom i Koordinacioni odbor, a koje imaju za cilj unapređenje partnerskih odnosa i promociju pitanja invalidnosti;
- Ministarstvo će na aktivnosti i manifestacije, koje organizuje samostalno ili u saradnji sa drugim institucijama vlasti, pozivati i predstavnike udruženja osoba sa invaliditetom i Koordinacionog odbora;
- Ministarstvo će u okviru svog budžeta u skladu sa finansijskim mogućnostima planirati finansijska sredstva, na godišnjem nivou, za finansiranje rada i djelovanja udruženja osoba sa invaliditetom, učlanjenih u Koordinacioni odbor.

Član 5.

Udruženja osoba sa invaliditetom učlanjena u Koordinacioni odbor

Udruženja osoba sa invaliditetom u okviru svojih statutarnih nadležnosti će:

- odgovorno izvršavati svoje aktivnosti planirane programima rada za svaku kalendarsku godinu;
- u svom radu poštovati zakone i druge propise, koji se odnose na rad ovih udruženja;
- kontinuirano raditi i djelovati na unapređenju partnerskih odnosa sa Ministarstvom i drugim institucijama vlasti u Kantonu Sarajevo;
- zajedno sa Ministarstvom raditi na implementaciji domaćih i međunarodnih obavezujućih dokumenata, a kojima se uređuju ili unapređuju prava osoba sa invaliditetom, u okviru nadležnosti Ministarstva;
- Ministarstvu redovno podnosići izvještaje o svom radu;
- voditi evidenciju o svom članstvu i učiniti ga dostupnim Ministarstvu za njegove potrebe;
- vršiti potrebne analize i istraživanja u oblasti invalidnosti i na zahtjev iste dostavljati Ministarstvu;
- učestvovati u aktivnostima i na manifestacijama koje organizuje Ministarstvo;
- pozivati predstavnike Ministarstva da se uključe u aktivnosti i manifestacije koje organizuju udruženja pojedinačno i Koordinacioni odbor;
- predlagati Ministarstvu način rješavanja ključnih problema sa kojima se svakodnevno susreću osobe sa invaliditetom i njihova udruženja;
- u saradnji sa Ministarstvom inicirati i rješavanje pitanja iz oblasti invalidnosti koja su u nadležnosti drugih institucija vlasti.

V – SAVJET ZA PRAĆENJE IMPLEMENTACIJE SPORAZUMA

Član 6.

Ministarstvo i Koordinacioni odbor će formirati zajednički Savjet za praćenje implementacije Sporazuma (u daljem tekstu: Savjet) od 6 članova, koji će imati za cilj praćenje implementacije ovog sporazuma.

U Savjet će Ministarstvo i Koordinacioni odbor delegirati po 3 predstavnika.

Predsjednik Savjeta će biti jedan od predstavnika kojeg delegira Koordinacioni odbor.

Rješenje o imenovanju Savjeta će donijeti ministrica za rad, socijalnu politiku, raseljena lica i izbjeglice Kantona Sarajevo.

Savjet će se sastajati po potrebi, a najmanje jednom u tri mjeseca.

Savjet će pratiti implementaciju Sporazuma, ukazivati na eventualne propuste u njegovom provođenju i davati prijedloge za njegove izmjene ili dopune.

VI – PRELAZNE I ZAVRŠNE ODREDBE

Član 7.

Ovaj Sporazum se potpisuje na period od 4 godine, a primjenjuje se od prvog narednog dana od dana potpisivanja istog.

Član 8.

Izmjene i dopune Sporazuma vrše se na zahtjev potpisnika ili prijedloga Savjeta za praćenje implementacije Sporazuma, u formi i na način kako je isti i potpisani.

Član 9.

Ovaj sporazum potpisani su u deset (10) istovjetnih primjeraka, od kojih svaka sporazumnoj strani zadržava po jedan primjerak.

Ministarstvo za rad, socijalnu politiku,
raseljena lica i izbjeglice Kantona Sarajevo

MINISTrica

Amela Dautbegović



Udruženje slijepih Kantona Sarajevo

DIREKTOR

Fikret Zuko



Udruženje za podršku osoba sa intelektualnim
teškoćama na području Kantona Sarajevo "Oaza"

DIREKTOR

Armin Smajlović



Udruženje distrofičara Kantona Sarajevo

DIREKTOR

Almir Sahmanija



Udruženje oboljelih od poliomijelitisa,
povrede mozga i kičmene moždine

PREDSEDNIK

Dzevad Kamber



Udruženje oboljelih od multiple skleroze
Kantona Sarajevo

PREDSEDNIK

Gordan Muzurović



Udruženje paraplegičara i oboljelih od
dječije paralize Kantona Sarajevo

PREDSEDNIK

Sabahudin Hreljić



Sarajevo, 16.11.2018. godine
Broj: 13-01/1-05-37328/18

Sarajevo, 16.11.2018. godine
Broj: 02-4-910/18

Sarajevo, 16.11.2018. godin
Broj:

224/18

Sarajevo, 16.11.2018. godine
Broj: 107/18

Sarajevo, 16.11.2018. godine
Broj: 22/18

Sarajevo, 16.11.2018. godine
Broj: 350/18

Sarajevo, 16.11.2018. godine
Broj:

316/18

Udruženje invalida rada Kantona Sarajevo

P R E D S J E D N I K

Zeljko Buljugija



Udruženje gluhih Kantona Sarajevo

S E K R E T A R

Jadranka Šidro

Sarajevo, 16.11.2018. godine

Broj: 085/18

Sarajevo, 16.11.2018. godine

Broj: 563-02/18

Udruženje obiljelih od cerebralne dječije
paralize Kantona Sarajevo

P R E D S J E D N I K

Nevenko Novotni



Sarajevo, 16.11.2018. godine

Broj: 591/2018